

2 TIMOTI Pol Mij Kidek Ak Timoti Nop Tikak

1 Yad Pol. God niñid yip aglek, bi Klays Jisas takaw nop dad ameb ak midebin. Bilel God takaw olap anigil aglak, Klays Jisas nop chigil, pelpel yenigabim agak. Takaw anib ak yip agek, agni ajebin.

2 Timoti, nad ni tepe yad ak, mij anib ak nu kil tikil nep nibin. Bapi God chin ayip, Biawl chin Klays Jisas ayip, nep yimug niñid gitep gilig kod midel, midtep ginimin.

God takaw aginig nebej ma dinimin

3 Based yad okok ned God nop agniñid, gos pal ak teplep won ak nig midilig, wog teplep yibil ak geligipal. Pen yad abe kili gos nepal tek ak gebin. Subnab abe maynab abe yad God ayip takaw agobul. Agil, minek minek nep gos niñid, God nop tep apin.

4 Nad chan awl linak ak nigilig midebin. Anib ak, yad nep tepayañ niñid, miñmiñ awl ginim agil gos nigebin.

5 Nad Klays nop nokom gos linepan ak nigilig midebin. Ned napis Lowis ayip, nanim Yunis ayip Klays nop gos liniñid yeligiñil tek, miñil pen yad nepin, nad abe Klays nop gos liniñid mideban.

6 Anib ak tek, miñil gos timud nep ak pag yikebin. Ned yad nep nin di midilig agnigen, God

kiles tep ne ak nep monmon ñak. Kiles anib ak di mideban ak, nad kiles timel yibil ge awl gek, anib ak tek bi olap mab agilek, yin gil dad amil, awl gek amub.

7 Chin nopen, God ne Kawnan ne ak chinop ñub ak, ne gek chin binib pilikep tek ma lup. Mel yibil. Chinop gek, kiles ne dil, binib mapen yibil lil, mubwak chin ak sek gos timud chin ak sek, kod midtep ginigun.

8 Anib ak, Biawl chin takaw ne agyikinig, nebeñ ma dinimin. Pen Klays wog genek, yip nag lilak ak, nebeñ ma dinimin. Yad takaw teplep ne ak agñen yip gi timel gipal ak tek, nad takaw teplep agñe nep gi timel ginigel. God chilop kiles nil kod yek, kiles gil pen agñinigul.

9 God chinop tig asik dil aglek, binib ne ke yibil midil, yipid gil yibil midobun. Pen chin gitep gonok niñid aglil ma dak. Ne ke aglil yimug niñid gitep gin agil gos niñid, chinop dak. Bilel man ma alwol gilak ñin ak, God ne anigil gos nigak, Klays Jisas wog ne gek, yad kilop yimug niñid gitep ginigayn agil gos nigak.

10 Pen miñil Klays Jisas, bi kasin gep chin ak, miseñ lup. Ne apil gek, God yimug niñid gitep gep ne ak abe miseñ lup. Kumil tek yobinop ak pen, Klays Jisas kumeb adek ak tig jisipuk gi diyokak. Takaw teplep ne dad apil chinop gek, chin nopen, pisnep kumil ma kul ginigun, pel pelnep yonigun tek lup.

1:7 Luk 24.49, Apo 1.8, Lom 8.15 **1:8** Lom 1.16, Plp 1.7, Kol 1.24,
1 Ti 2.6 **1:9** Lom 8.28, Epe 1.4, 2.8-9, 1 Te 4.7, Tat 3.5, Hib 3.1, 1 Pi
1.20 **1:10** 1 Ko 15.54-57, Kol 1.26, Hib 2.14, 1 Pi 1.20

11 Adek anib ak, God ne ke yip agek, bi Jisas takaw nop dad ameb ak midil, takaw teplep nop agyikil, binib okok kilop agnitep gebin.

12 Anigen yip gi timel gel, koslam midil miñel awl yibil ak debin ak pen, nebej ma dipin. Bi nop gos linepin ak, nop nigtep gipin. Anib ak yad nepin, tap teplep yip diñak ak, ne ke kod midtep gek mid dad amil, ñin awl ne ak ownigab.

13 Klays Jisas nop gos linigilig, binib mapen lilig, takaw niñid yibil agen nepan ak, yipid gil yibil mideb agil, binib okok kilop agnimin.

14 God takaw teplep nep ūub ak, ditep yibil ginimin. God Kawnan ne ak nab chin okyan ayip midobun ak, nep gos tep ñek, takaw teplep ak ditep yibil ginimin.

15 Pen anib ak nad nepan, bi Pigelus sek, bi Helmogenes sek, binib kili Esiya plopens n̄ib okok midupsek yip keligilak.

16-18 Bi Onesipolus pen yip ma keligup. Taun Lom nag lel minden, ne apil, nebej dinigayn agil yip ma keligup. Koslam piyow dad apil, yip nigup. Ñin kunjay yibil ap nigek, yip tep yibil gup. Pen ned taun Epesus yenek, yip gitep yibil goligup anib ak, nad nigtep gipan. Anib ak, Biawl anop agnijid apin, Onesipolus binib ne okok sek kilop mapen niñid kod yemin apin. Pen takaw olap Biawl anop agnijid apin, Ñin awl nad ak apek, nop mapen niñid kod yemin apin.

1:11 1 Ti 2.7 **1:12** Epe 3.1-2, 1 Ti 6.20, 2 Ti 4.8, 1 Pi 4.19 **1:13**

1 Ti 1.10, 4.6, 6.3, 2 Ti 2.2, 3.14, Tat 1.9, 2.1, Hib 10.23 **1:14** Lom

8.11, 1 Ti 6.20 **1:16-18** 2 Ti 4.16, 4.19, Jud 21

2

Timoti ne bi chim kadiŋ gep ak, Klays Jisas ayip jímñil yenimil

1 Ņi yad Timoti. God ne Klays Jisas nop agyokek apil, nep yımug niŋid gitep gek, pelpel kiles yibil gil yenimil.

2 Takaw binib kuŋay yibil okok kilop pel agen nepan ak, bi God wog ne gitep gilig midebal okok kilop, agrili tep ginimin. Anigenimin, kili pen bi oginap kilop abe agnii tep ginigel tek lup.

3 Nad bi chim kadiŋ gep ak, Klays Jisas ayip jímñil midebil. Anib ak tek, agñon chinop gi timel gipal ak tek, nad agñe nep gi timel ginigel. Anige, chin ayip jímñil miŋel anib ak dinimin.

4 Bi chim kadiŋ gep olap, wog oginap sek gin agil gos ma nigup. Biawl ne ak nop nigek tek ganj agil, bi chim kadiŋ gep wog ne ke nep gup.

5 Anib ak tek, bi penpen taw asik lipal okok, bi kod mideb okok kili apal apal tek nep kidek ginigel. Bi olap pen ne apal apal tek nep kidek ma genigab, tap teplep anib ak ma dinigab. Pen bi kiles timel gitep gil, apal apal tek nep ginigab ak, tap teplep ak ne dinigab.

6 Pen bi tap wog gup ak, tiŋil yul gup tek, ne ned yiŋ niŋinimuŋ. Ņibil, kidek pen bi oginap kilop yiŋ niŋinimuŋ.

7 Takaw agebin anib okok nigilig mide, Biawl ne nep gos ūek, midupsek takaw jij anib ak nigtep ginigaban.

8 Jisas Klays nop pel nigtep ginimin. Based yes

Depid tikek, tik dad amil, nop tikilak. Pen kumil tepayanj tikjakak. Takaw teplep anib ak, yad pel agñibin.

9 Yad takaw teplep anib anep agil, tap timel ma gipin. Bi okok pen, kili takaw yad ak niñid bi tap timel gup ak agil, yip gi timel gil nag lel midebin. Pen God takaw ak, nag linigel tek ma lup.

10 God takaw ak nag ma lup, anib ak yad wog ne okok midupsek kiles timel gil miñel anib okok dipin. Pen binib God ne kilop dinig aglak okok, kilop abe gos nepin. Kili Klays Jisas nop chigel God kilop tig asik dek, pel pelnep kim midil midtep ginigabal gos ak nepin. Anib ak yad wog ne okok midupsek kiles timel gil miñel anib okok dipin.

11 Takaw anib awl niñid yibil mideb ak, anib agup,

Chin Klays ayip pisnep kumnok tek, ne ayip jimñil konjim yonigabun agup.

12 Chinop gi timel gipal tek, chin kiles timel gil miñel okok dil nim, ne ayip biawl okok midil, binib kilop kod yonigabun agup.

Nop keligonigabun, chinop abe keliginigab agup.

13 Nop takaw oginap aglil, sayn takaw apun anib ak kidek ma gonigun, takaw ne pen agup ak kidek ginigab agup. Takaw ne agup ak keliginimun tek ma lup agup.

Timoti ne wog gittep gek, God nigeck nop tep ginimuñ

2:9 Apo 9.16, 28.31, Epe 3.1, 3.13, Plp 1.7, 1.12-14, Kol 4.3, 4.18

2:10 2 Ko 1.6, Epe 3.13, Kol 1.24 **2:11** Lom 6.5, 6.8, 2 Ko 4.10-11,
1 Ti 1.15 **2:12** Mat 10.33, Luk 12.9, Lom 8.17, 1 Pi 4.13 **2:13**
Nam 23.19, Lom 3.3-4, Tat 1.2

14 Binib okok kilop agilig mide, takaw anib ak nigilig yenigel. Pen God nig midaknij, kilop agtep ge, takaw yokip keke agil penpen ma aginigel. Takaw titimel anib okok nig dad amil, kili apyap pakinigel tek lup.

15 Nad wog kiles timel gil genimin, God wog nep ak nigeck tep ginigab. Pen God takaw niñid ne ak nigtep gil, binib okok kilop agñi tep gilig, nebeñ ma dinimin.

16 Takaw okok nib okok nib God gos ne mel ak, kili pel monmon apal. Anigil ag dad amil apil gel, takaw anib ak kilop gek, God nop keligil amil, man pal awl yibil okok amnigabal. Nad pen takaw anib okok kud ñinimin.

17 Takaw anib okok, soy olap lil, mid dad amil awl yibil lup tek ak ginigab. Pen bi takaw anib apal okok, Himeneyus ayip, Piletus ayip adek anib ak giwil.

18 Kili bi omijal takaw niñid yibil kanib adek ak keligil, anib apil, Chin kumil pisnep tikjakipun ak tek, kidek tepayañ ma tikjakinigabun apil. Pen takaw yipid ma gup anib ak agel, binib oginap Jisas nop gos linepal ak keligil apyap pakipal.

19 Pen binib God yil midebal okok, God kilop mab meg tek ak punilek wos gil mideb. Mab meg anib ak, takaw olap nu kıl tikil agup, Biawl ak binib ne okok kilop gos nigup agup. Pen takaw olap tikil agup, Binib midupsek Biawl yil midobun apal okok, tap si tap timel adek okok keliginigel agup.

20 Pen kal awl yibil olap migan ak, kinag keke mideb. Kinag oginap, gol ayip silpa ayip dil gilak. Oginap pen mab ayip lum ayip dil gilak. Kinag oginap wog teplep gep, oginap tap yokip yokip okok gep agil gipal.

21 Anib ak, binib olap tap gach tap monmon okok asik tep gonimuñ, kinag wog gittep gep tek ak yenigab. Ne bi suntep olap midil, Biawl wog nop ak giñinigab. Ne wog teplep okok giñinig mideb.

22 Pen bi pilaj okok, gos timel nepal tek ma niginimin. Bi teplep yibil miden agil, ge amnimum. Klays nop gos linijid, binib okok kilop mapen lil, kimigel midtep gil, abe anib ak nep ge amnimum. Nad ayip binib anib okok ayip chibol nab nibi ayan midtep gil, Biawl nop agnijid kidek gipim ak, tap teplep anib okok anigil ginimib.

23 Pen takaw nigep ma nigep okok sek, takaw yokip okok sek ag amil apil gipal ak, kud ñinimin. Nad nepan, takaw anib ak niñid, ag gil penpen yibil apal anib ak tek, kud ñinimin.

24 Pen bi olap Biawl nop wog giñeb ak, ag gil penpen ma aginimum. Binib okok midupsek kilop kimigel midil ditep gil, agñi tep ginimuñ. Pen kili takaw nop ak diyokel, ne kimigel yibil yonimuñ.

25 Pen bi oginap takaw nop tibilikil ma denigel, kimigel midil agñilig yonimuñ. Anigek, God bi anib okok kilop gos tep ñek, taynen tap si tap timel gipun agil kelgil, adikid ownigel tek linigab. Ownigel tek lek, takaw niñid yibil ak niginigabal.

2:20 Lom 9.21, 1 Ko 3.12, 1 Ti 3.15 **2:21** 2 Ti 3.17, Tat 3.1 **2:22**

Apo 9.14, 1 Ko 1.2, 1 Ti 1.5, 6.11 **2:23** 1 Ti 4.7, 2 Ti 2.16, Tat 3.9

2:24 1 Ti 3.2-3, Tat 1.7-9, 3.2 **2:25** Gal 6.1, 1 Ti 2.4, 6.11, Tat 1.1, 1 Pi 3.15

26 Ned Satan kilop yepis agil dek, gon ne ak migan ayan midebal. Midil, gos ne ak niñid kidek gipal ak pen, kili tiq adikil takaw niñid yibil ak niñid nim, gos teplep ak niñid, Satan gon ne ak keligil amil midtep ginigabal.

3

Ñin kidek ownigab ñin ak, binib okok tap timel yibil ginigabal

1 Pen anib ak niginimin. Ñin kidek ownigab ñin ak, tap titimel kunay yibil apek, titay dil tek yenigabal.

2 Ñin anib ak, binib okok mubwak kili nep gos niñid, mani tap kili okok nep gos niginigabal. Chin ke binib awl midobun agil, binbi oginap kilop agjulig takaw dinigabal. Nonim nap kilop takaw tibilikil, binib oginap kilop tap teplep ñibal okok, kilop tep ma agil, God gos ne nigup pal ak ma niginigabal.

3 Kili bi okok kilop gos nigep won ak ma yenigab. Oginap ayip penpen agil, kelige tek ma yenigab. Kilop agjuwil, mubwak nab kili okyan ke kod ma yenigabal. Bi timel yibil midil, kabiyam timel junigabal. Tap gitep gep anigil kilop milik yownigab.

4 Binib okok kilop mimug niñid gitep ma ginigabal. Gos nigtep gil mel kasek monmon gil, chin ke nep binib awl yibil midobun agil

niginigabal. Chin ke miñmiñ timel yibil gun agil,
God nop mapen ma linigabal.

5 Kili God nop gos niñid kidek gilig midobun
aginigabal ak pen, yepis yibil aginigabal. Kili
anigil, God kiles ak kud ñil nop kidek ma ginigabal.
Binib aniginigabal anib okok kilop kelgil, ayip
jimñil ma yenimin.

6-7 Bi anib okok, bin gos nigtep ma gipal oginap
kilop piyow nepal. Piyow niñid, gos timud kilop ak
lipig dad amel kilop kidek gipal. Bin anib okok, tap
si tap timel gil, gos awl yibil nigilig midebal. Chibol
nab kili ayan tikjakek, tap nigep ma nigep gipal
anib okok jij ne ma mideb. Takaw okok nib okok
nib niginigun agil gos nepal ak pen, takaw niñid
yibil dinigel tek ma lup. Anib ak bi timel anib okok,
kili bin okok gos timud kilop ak lipig dad amel kilop
kidek gipal.

8 Pen bi Janes ayip Jables ayip,* kili Mosis takaw
agak ak yilik niñid milik nigilek tek, bi apin anib
okok takaw yipid gil mideb ak anib ak nep gebal.
Gos kili ak timel yibil gil, sawl sek lek, Klays nop
gos linepal ak kelgilipal.

9 Pen gipal adek anib ak, gel awl ginimunj tek ma
mideb. Janes ayip, Jables ayip kilop sawl sek lek
binib okok kili misen nigilak tek, bi miñil midebal
kili abe sawl sek lek binib okok misen niginigabal.

3:5 Mat 7.15, 7.21, Lom 2.19-20, 2 Te 3.6, 1 Ti 5.8, 6.5, Tat 1.16

3:6-7 Mat 23.14, Tat 1.11 **3:8** Kis 7.11, Lom 1.28, 2 Ko 13.5, 1 Ti
6.5, 2 Ti 2.25 * **3:8** Juda bi kili ageligipal, Yijip binonim kili olap,
ne bi chip sime sakep omiñal ak dek, kili bi omiñal binonim wog ne
giñeligipil ageligipal. Pen yib kili Janes ayip Jables ayip. Mosis Yijip
owak ñin ak, bi omiñal anib ak yelek. Kisim Bek 7.22 ak, 9.11 ak
niginimin.

Timoti ne God takaw ak ditep ginimunj

10 Nad pen, yip nigtep gipan. Takaw titay dil agñibin ak sek, pel titay dil gipin ak sek, gipin jiñ ak sek, nad nepan. Klays nop gos linijid, wog ne malik gil giñil, binib okok kilop mapen lil, kiles timel gil minjel anib oginap debin ak, nad nepan.

11 Binib man awl Adiyok ayip Aykonyam ayip Listla ayip okok, yip gi timel gel, yul awl yibil dil koslam yenek ak, nad nepan. Pen yip titay dil gi timel gipal won ak, Biawl ne yip dil kod yek ak nepan.

12 Niñid yibil apun, binib Klays Jisas nop chigil, God anigup tek ginigun agil nepal okok, kilop midupsek abe gi timel ginigabal.

13 Pen bi tap timel gipal ak sek, bi takaw yepis apal ak sek, anib ak nep gel gel tap awl ken amnigab. Amek, penpen takaw yepis yibil aginigabal.

14 Nad pen, takaw agel nigtep ginak ak, gos nokom niginak ak, nigilig yenimin. Chin nep agñonok niginak ak, chinop nigtep gipan.

15 Pen nad ñisikol yibil yenak ñin ak, buk Baybol takaw ak nep agñelak niginak. Takaw anib ak, nep gos teplep ak ñinimunj tek lek, Klays Jisas nop gos linige, God nep tig asik dinigab.

16 Buk Baybol takaw ak midupsek, God Kawnan ne nokom ak gos ñek tikilak. Ak nim, chin takaw teplep anib ak dil, binib okok kilop takaw niñid

3:10 Plp 2.22, 1 Ti 4.6 **3:11** Sng 34.19, Apo 13.14-52, 14.1-20, 2 Ko 1.10 **3:12** Mat 16.24, Jon 15.20, 17.14, Apo 14.22, 1 Te 3.3 **3:13** 2 Te 2.11, 1 Ti 4.1, 2 Ti 2.16 **3:14** 1 Ti 1.13, 1 Ti 2.2 **3:15** Jon 5.39, 1 Pi 1.20-21 **3:16** Lom 15.4, 2 Ti 2.21, 2 Pi 1.20-21

yibil agñil, gos timel niginigel okok kilop timud wuk tep gil, tap timel ginigel okok kilop agñi tep gil, teplep yibil yenigel agil, agñi tep ginigun.

17 Anib ak tek, chin binib God nop wog giñibun okok, takaw anib ak chinop gek, nigtep yibil gil wog teplep ginig yonigabun.

4

Timoti ne God takaw yipid gil yibil ak kiles gil agñinimun

1 Klays Jisas adikid ownigab ñin ak, binib okok kilop kod yenigab. Pen binib konjim yenigabal okok sek, kumilak okok sek bilok keke linigab. Anib ak nim, takaw aginigebin anib awl, anib anib ginimin aginigebin ak, yokip ma agebin. God ayip Jisas ayip nig mideleknin, nad anigil ginimin agil agñebin.

2 God takaw teplep ak kiles gil agñinimin. Binib okok kilop tep ginigab akan, tep ma ginigab agil yilik ma niginimin, takaw ak minek minek agñinimin. Binib God nigtep gilañ agil, kilop timud wukilig, kiles gil agñi tep gilig yemimin. Pen pel kimigel jimnil midil, God gos ne ak agtep gil agñinimin.

3 Nigan. Ñin kidek ak, binib kili God takaw yipid gil ak niñid ma dinigabal. Gos timud pal ak pal ak niginigabal ak, bi agñeb kili okok ke di nan gil, takaw nigep ma nigep okok chin ke niguñ agil gos nepal okok agñinigabal.

3:17 1 Ti 6.11, 2 Ti 2.21 **4:1** Apo 10.42, Lom 14.9-10, 1 Ti 5.21, 6.13 **4:2** Apo 20.20, 20.31, 1 Ti 4.13, 5.20, Tat 1.13, 2.15 **4:3** 1 Ti 1.10, 4.1, 2 Ti 1.13, 3.1, 3.6

4 Anib ak n̄im, takaw n̄inj̄id yibil ak keligil, anoj yokip okok agel nep n̄iginigabal.

5 Nad ke pen, nep tap titay dinigab ak, gos nigtep gilig yenimin. Miñel gil yipil gonimun̄, gos awl anib ak ma n̄iginimin. Takaw teplep wog ak gil, binib kili Klays ma nepal okok kilop git̄ep gil agñinimin. Pen God nep agek wog ne okok dipan ak, wog anib ak kiles gil git̄ep ginimin.

Pol kumnigeb ñin ak wulep mideb

6 Miñil pen yad kumnigebin, ñig wayn God nop n̄inig sopal tek ak, nikim yad ak kasek sognigeb. Anib ak, yad ameb ñin ak wulep mideb.

7 Yad kiles timel gil takaw teplep yibil agñil, miñil agjuwebin. Gos yad ak miñil Klays yil chichik dil, wog yip agak ak ma keligipin, agak tek midupsek gjupin.

8 Tap teplep yad dep ak miñil yip kod mideb. Tap teplep anib ak anigil mideb, Biawl yip aginigab, Bi teplep yad aginigab. Biawl ne yipid gil ninj̄id, binib okok kilop bilokil n̄iginigab ak n̄im, ñin awl ne ak apek, tap teplep anib ak yip ñinigab. Pen yad nokom mel, binib Biawl chin apeb agel, kilop tep gaknij kod midebal okok, kilop midupsek tap teplep anib ak ñinigab.

Timoti ne Polyil kasek ownimun̄

9 Timoti, yad midebin awl, kasek ownimin.

4:4 1 Ti 1.4, 4.7, Tat 1.14 **4:5** Apo 21.8, Epe 4.11, 2 Ti 1.8, 2.3 **4:6**
Plp 1.23, 2.17, 2 Pi 1.14 **4:7** 1 Ko 9.24-25, Plp 3.14, 1 Ti 6.12, Hib
12.1 **4:8** 1 Ko 9.24-25, 2 Ti 1.12, Jem 1.12, 1 Pi 5.4, Lep 2.10 **4:9**
2 Ti 1.4

10 Nigan. Bi Demas ne tap lum awl gos niñid, yip pisnep kelig taun Tesalonayka amnak. Bi Klesens ne Galesiya plopens amnak. Bi Taytus ne man Dalmesiya amnak.

11 Bi Luk ne nokom yad ayip midobul. Nad pen, Mak nop dil ponjed ape, yad ayip midil God wog ak ginigun.

12 Pen bi Tikikus nop agyoken, taun Epesus amnak.

13 Ownigaban ñin ak, taun Tlowas apil, kolsiyot yad ak, bi Kalpus kal dilinek ak dil dad ownimin. Mij palawl ñu kil tikilak ak, dayday kamil nag lilak okok abe dad ownimin. Pen tap awl olap, mij palawl chag sipsip wak ak sek ñu kil tikilak okok, dil dad ownimin.

14 Bi Aleksada, tap ayn walin sek ak wog goligup olap, ne yip tap timel yibil kuñay gak. Yip gak anib ak, Biawl ne nop pen abe ginigab.

15 Bi anib ak takaw chin apun ak niñid, chinop yilik niñid milik nigup ak nim, nep abe gi timel ginimun tek lup ak, nigtep ginimin.

16 Yip ned kot gilak ñin ak, bi olap yip kud okok nig yekniñ kot ma ginek. Midupsek yip kelgilak. Pen God nop agnigen, kilop gi timel gin agil gos ma niginimun.

17 Yip kot gilak anib ak pen, Biawl ne yip kod midil kiles ñak. Ñakniñ, yad binib Juda mel kuñay yibil ap yelak okok, kilop takaw teplep midupsek

4:10 2 Ko 8.23, Gal 2.3, Kol 4.14, Plm 24, Tat 1.4, 1 Jo 2.15 **4:11**
 Apo 12.12, 12.25, 13.13, 15.37-39, Kol 4.10, 4.14, Plm 24 **4:12** Apo
 20.4, Epe 6.21-22, Kol 4.7-8 **4:13** Apo 20.6 **4:14** Sng 28.4, 62.12,
 Snd 24.12, Apo 19.33, Lom 2.6, 1 Ti 1.20, Lep 18.6 **4:16** Apo 7.60,
 2 Ti 1.15 **4:17** Sng 22.21, Dan 6.22, Apo 23.11, 27.23, 2 Pi 2.9

agñijunek nìgilak. Pen Biawl ne yip dil kod mìdilig takaw yad agil, takaw kilop taw jisipuk ginek. Gen, kili yip ma agyokel, chen layon ladek ak yip ma su ñinjilak.

18 Pen Biawl ne yip dil kod yek, tap olap yip ginimunj tek ma linigab. Yip gittep gil dad amek, man ne alan amnigayn. Man ne alan anib ak, binib ne okok kilop kod yenigab. Pen yib nop ak pel pelnep dad aplanigun. Yaw.

19 Nad takaw yad ak dil, bin Plisila ayip bine Akwila ayip, bi Onesipolus binib kal ne midebal okok ayip, kilop ag dideg linimin.

20 Bi Elastus taun Kolin mideb. Bi Tlopimus nop tap gek, kelig ownek taun Miletus.

21 Yigen gil yobup ñin ak wulep mideb tek, kasek ownimin. Yupulus ayip, Pudens ayip, Linus ayip, Klodiya ayip, Klays binib ne taun Lom midebal okok ayip, kili nep ag dideg lebal.

22 Biawl ak, ne nep kod yonimuñ. Pen nibop yimug niñid gittep ginimunj.

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 28 Dec 2024 from source files dated 29 Jan 2022

24d09cce-9a93-523a-afa5-7b091c264cee